

მატი „გეტერბორგთან“

საკონტროლო ამხანაგური შეხვედრების ჩასატარებლად საქართველოში ჩამოვიდა უეფა-ს თასის ორგზის მფლობელი, ევროპის ერთ-ერთი საუკეთესო საფეხბურთო კლუბი შვეციის „გეტებორგი“.

სტუმრებს ორი ამხანაგური მატჩის ჩატარება აქვთ დაგეგმილი, პირველი მათგანი - თბილისის „დინამოსთან“ ქალაქ რუსთავეში გამართა 3 მარტს. დინამოელთათვის ეს სანვრთნელი მატჩი ერთგვარი გენერალური რეპეტიციაც იყო საბჭოთა კავშირის 51-ე ჩემპიონატის „კვირახალზე“. ასეთ ტიტულოვან სპარინგ-პარტნიორთან შეხვედრას მოსამზადებელი პერიოდის ბოლო ეტაპზე ბევრ შეკითხვაზე შეეძლო პასუხი გაეცა.

თამაში იმით დაიწყო, რომ პირველივე წუთზე მესხმა დრიბლინგით აუარა გვერდი ორ მცველს და ზუსტად ჩაანოდა მეკარის საჯარიმო მოედანზე. აქ ბურთთან პირველი გაჩნდა ქეცბაია, რომლის დარტყმის შემდეგ, სტუმართა კარი აშკარად გადაურჩა გოლს. დინამოელებმა დასაწყისი აქტიურად ჩაატარეს. მათი უპირატესობა 36-ე წუთზე გ. კეტაშვილმა გოლით დააგვირგვინა. მან დროულად შენიშნა, რომ „გეტებორგის“ მეკარე ტორსტვედი არ იდგა სწორ პოზიციაზე და შორი მანძილიდან უძლიერესი დარტყმით გახსნა ანგარიში. ტაიმის დასასრულს თამაში ძირითადად მინდვრის შუაში მიმდინარეობდა. „გეტებორგის“ ნახევარმცველთა ცდას ხელთ ეგდოთ თამაშის სადავეები, შედეგი არ მოჰყოლია. კარგად ითამაშა თბილისელთა მარცხენა გარემარბმა მესხმა. მის სწრაფ ფლანგურ გარღვევებს არაერთხელ ჩაუყენებია სტუმრების დაცვა მძიმე მდგომარეობაში. დინამოელთა შეტევებს სტუმრების შესვენების შემდეგაც ეპიზოდური კონტრშეტევებით პასუხობდნენ, მაგრამ თბილისელთა მეკარეს ჭანტურიას თავის კოლეგასთან შედარებით გაცილებით ნაკლები ჯაფა ადგა. მხოლოდ მატჩის ბოლო წუთზე მოუხდა მას სვენსონის უძლიერესი დარტყმის მოგერიება. გეტებორგის ფეხბურთელების ცდას, შეეცვალათ ანგარიში, შედეგი არ მოჰყოლია.

გუნდებმა ასეთი შემადგენლობით ითამაშეს: „დინამო“ - ჭანტურია, კეტაშვილი, ცვიება, ჭედია, ფირცხალავა, ტყებუჩავა, გუბაზი, სულაქველიძე, ქეცბაია (ფანცულაია), გურული, მესხი; „გეტებორგი“ - ტორსტვედი, ინგესონი, მორდტი, ფორსბერგი, ანდერსონი, კარლსონი, ე. ნილსონი, ფრიობერგი, ნ. ნილსონი, (ერიქსონი), სვენსონი, იუჰანსონი (ფორტესი).

5 მარტს შვედი ფეხბურთელები ამავე სტადიონზე კიდევ ერთ მატჩს გამართავენ ადგილობრივ მეტალურგთან.

ზაზა კახაძე
ლელი 5.03.1988